

BAHAGIAN DUA PENYATA



AHLI LEMBAGA PEMANTAUAN AUDIT



AHLI LEMBAGA PEMANTAUAN AUDIT



DATO' GUMURI HUSSAIN

Dilantik Pengerusi Eksekutif 18 November 2016

Diubah jawatan Pengerusi Bukan Eksekutif 24 November 2017

Dato' Gumuri Hussain merupakan Ahli Lembaga SC dari 2006 sehingga 2016 dan Ahli Bukan Eksekutif AOB dari 2012 sehingga 2016. Beliau dilantik sebagai Pengerusi Eksekutif pada 18 November 2016 dan telah diubah jawatan sebagai Pengerusi Bukan Eksekutif pada 24 November 2017.

Dato' Gumuri memiliki 45 tahun pengalaman dalam bidang audit, perakaunan dan sektor korporat. Beliau pernah menjawat Rakan Kongsi Kanan dan Timbalan Pengerusi Lembaga Tadbir Urus PricewaterhouseCoopers Malaysia. Beliau pernah menjadi Pengerusi SME Bank dan Pengerusi Bukan Eksekutif Sistem Televisyen Malaysia Bhd dan Rangkaian Hotel Seri Malaysia Bhd. Beliau juga pernah menjawat Pengarah Urusan dan Ketua Pegawai Eksekutif Penerbangan Malaysia Bhd. Beliau pernah memegang jawatan dalam Lembaga Pengarah dalam pelbagai PLC termasuk Media Prima Bhd, Malaysian Airline System Bhd dan Metrod Bhd.

Dato' Gumuri merupakan Felo ICAEW, Akauntan Bertauliah MIA dan ahli MICPA.



ALEX OOI THIAM POH

Dilantik Pegawai Eksekutif 24 November 2017

Alex Ooi Thiam Poh dilantik sebagai Pegawai Eksekutif pada 24 November 2017. Alex mempunyai pengalaman lebih 25 tahun dalam bidang jaminan dan khidmat nasihat dalam industri pembangunan hartanah dan pembinaan, hospitaliti, pembuatan, perdagangan, media, teknologi dan perladangan. Pengalaman beliau termasuk audit berkanun PLC dan syarikat multinasional, tawaran awam awal (IPO), audit dalaman, pengurusan risiko dan khidmat nasihat korporat dan penyusunan semula. Alex pernah menjadi Rakan Audit BDO Malaysia dan Deloitte Malaysia.

Sebelum ini, Alex merupakan Presiden Divisyen Malaysia CPA Australia dari 2013 hingga 2014 dan ahli Jawatankuasa Penasihat Amalan Awam CPA Australia. Beliau juga merupakan bekas ahli Majlis MIA. Beliau pernah terlibat dalam Jawatankuasa MIA seperti Jawatankuasa Pelaksanaan Piawaian Pelaporan Kewangan, Jawatankuasa Penasihat Pasaran Modal dan Jawatankuasa Pendidikan. Beliau kini mewakili AOB sebagai pemerhati dalam Lembaga Piawaian Pengauditan dan Jaminan MIA dan Lembaga Piawaian Etika.

Alex ialah Felo CPA Australia, ahli ICAEW dan Akauntan Bertauliah MIA.

DATO' ZAHRAH ABD WAHAB FENNER

Dilantik sebagai Ahli Bukan Eksekutif 3 Jun 2015

Dato' Zahrah ialah Ketua Pegawai Eksekutif Suruhanjaya Syarikat Malaysia (SSM). Dato' Zahrah berpengalaman dalam hal kewangan dan pengauditan dan sebelum ini pernah memegang jawatan sebagai Akauntan Penasihat bagi Jabatan Kastam dan Eksais Diraja Malaysia dan Akauntan Utama bagi Kementerian Luar Negeri.

Dato' Zahrah ialah Ahli Lembaga bagi Pensijilan Pegawai Integriti Bertauliah dan ahli Yayasan Pelaporan Kewangan. Dato' Zahrah juga ahli Lembaga Perkhidmatan Kewangan Labuan dan Lembaga Hasil Dalam Negeri. Pada tahun 2018, Dato' Zahrah dilantik semula sebagai ahli Jawatankuasa Eksekutif Forum Pendaftar Korporat (jawatan yang dipegangnya sejak tahun 2016).

Dato' Zahrah berkelulusan Sarjana Muda Perakaunan (Kepujian) daripada Universiti Kebangsaan Malaysia. Dato' Zahrah ialah seorang Akauntan Berkanun MIA.



EUGENE WONG WENG SOON

Dilantik Ahli Bukan Eksekutif 1 Mac 2016

Eugene Wong Weng Seng merupakan Pengarah Urusan Kewangan Korporat dan Pelaburan, SC dan bertanggungjawab ke atas hal-hal berkaitan Kewangan Korporat dan Pelaburan yang merangkumi IPO, Penerbitan Hutang Swasta, Skim Pelaburan Kolektif dan Pengambilalihan. Beliau bertanggungjawab ke atas hal-hal perakaunan dan juga menyelia inisiatif SC berkaitan ASEAN dan merupakan Pengerusi Bersama Kumpulan Kerja Kewangan Hijau Forum Pasaran Modal ASEAN.

Eugene kini menjadi Penasihat kepada Lembaga Piawaian Perakaunan Malaysia. Beliau pernah menjadi Ahli Majlis MIA dan Pengerusi Lembaga Piawaian Etika MIA.

Eugene memiliki pengalaman bekerja dengan bank saudagar, firma pembrokeran saham dan di bahagian audit dan kewangan korporat firma perakaunan antarabangsa.

Eugene ialah Akauntan Bertauliah MIA, Felo Akauntan Bertauliah Australia dan New Zealand dan Felo CPA Australia. Beliau mempunyai kelulusan Diploma Lanjutan dalam Kewangan Korporat dari ICAEW dan B. Comm. dari University of Melbourne.





WONG CHONG WAH

Dilantik Ahli Bukan Eksekutif 1 April 2016

Wong Chong Wah ialah rakan kongsi di Wong & Wong. Beliau mempunyai pengalaman lebih daripada 40 tahun dalam bidang perundangan termasuk litigasi dan penyelesaian pertikaian alternatif, undang-undang korporat dan perkongsian, percukaian, duti kastam & eksais, pengambilan tanah, insurans dan fitnah. Beliau berkhidmat sebagai peguam di Malaysia, Singapura dan Brunei. Beliau telah dinobatkan sebagai salah seorang litigator komersial terkemuka oleh International Who is Who's of Commercial Litigation selama beberapa tahun.

Beliau bertindak sebagai peguam kepada hakim Mahkamah Persekutuan dalam Tribunal Perlembagaan.

Beliau pernah berkhidmat sebagai wakil tunggal Malaysia di Mahkamah Timbang Tara Antarabangsa bagi Dewan Perniagaan Antarabangsa dari 2004 sehingga 2012. Beliau menganggotai panel penimbangtara Pusat Timbang Tara Antarabangsa Asia (dahulunya dikenali sebagai Pusat Timbang Tara Serantau Kuala Lumpur) dan Dewan Perniagaan Antarabangsa Malaysia.

Beliau ialah felo Institut Cukai Bertauliah Malaysia. Beliau juga ialah ahli panel Jawatankuasa Tatatertib Majlis Peguam.



DATO' DARAWATI HUSSAIN

Dilantik Ahli Bukan Eksekutif 1 April 2016

Dato' Darawati Hussain ialah Pengarah Syalin Sdn Bhd. Beliau pernah memegang jawatan Pengarah, Dana dan Perhubungan Pelabur Bersama di Bahagian Strategi dan Pelaburan Strategik Kumpulan, Kumpulan CIMB (Malaysia).

Beliau mempunyai pengalaman lebih daripada 20 tahun dalam kewangan korporat, pengurusan aset dan ekuiti swasta. Beliau berkhidmat sebagai seorang pengurus portfolio ekuiti Eropah untuk syarikat pengurusan dana Amerika Syarikat dengan aset dibawah pengurusan bernilai AS\$70 bilion.

Dato' Darawati ialah Pengerusi RHB Private Equity Holdings Sdn Bhd dan Pengarah Bebas Magna Prima Bhd, Malaysia Venture Capital Management Bhd dan RHB Investment Bank Bhd. Beliau juga merupakan Pengarah dalam beberapa syarikat sendirian berhad.

Dato' Darawati ialah mantan Pengerusi Persatuan Modal Teroka dan Ekuiti Swasta Malaysia dan ahli jawatankuasa Majlis Pembangunan Modal Teroka Malaysia di bawah naungan SC.

Beliau memiliki ijazah sarjana muda dalam Ekonomi dan Perakaunan dari Durham University, UK dan Sarjana Pentadbiran Perniagaan dari London Business School, UK. Beliau juga seorang Penganalisis Kewangan Berkanun.

HEW EE-LU

Dilantik Ahli Bukan Eksekutif 5 Oktober 2018

Hew Ee-Lu mempunyai pengalaman pengawalseliaan dalam sektor perkhidmatan kewangan selama hampir 20 tahun. Sebagai aktuari terlatih di BNM, beliau terlibat dalam membangunkan rangka kerja kecukupan modal bagi sektor insurans, melaksanakan pembaharuan dalam pasaran insurans domestik dan menyediakan khidmat nasihat teknikal bagi pelbagai inisiatif dasar.

Dengan peranannya sekarang sebagai Pengarah Jabatan Penyeliaan Insurans dan Takaful, beliau bertanggungjawab terhadap pengawasan berhemat syarikat insurans dan pengendali takaful di Malaysia.

Beliau ialah Felo Institut Aktuari UK dan juga menamatkan pengajian dari London School of Economics, UK dan Cass Business School.



PERNYATAAN TADBIR URUS

Mengenai Lembaga Pemantauan Audit

AOB telah ditubuhkan di bawah Bahagian IIIA SCMA dan mandatnya adalah untuk membantu SC melaksanakan peranan kawal selianya melalui pengawalseliaan juruaudit PIE dan kumpulan wang jadual untuk meningkatkan keyakinan terhadap kualiti dan kebolehpercayaan penyata kewangan teraudit. Di samping itu AOB juga menjalankan pemantauan terhadap mana-mana pihak yang menyediakan laporan yang berkaitan dengan maklumat kewangan PIE dan kumpulan wang jadual yang berkaitan dengan aktiviti pasaran modal.

Tanggungjawab, kuasa serta autoriti AOB dinyatakan dalam Bahagian IIIA SCMA.

Ahli Lembaga AOB

SC melantik ahli Lembaga AOB. Ahli Lembaga AOB terdiri daripada Pengerusi Bukan Eksekutif, Pegawai Eksekutif dan lima orang Ahli Bukan Eksekutif lain yang merupakan wakil daripada pengawal selia, iaitu BNM dan SSM, profesion perundangan dan sektor swasta. Pegawai Eksekutif bertanggungjawab ke atas pentadbiran harian AOB.

Profil Ahli Lembaga AOB dipaparkan di halaman 26 hingga 29.

Pengerusi Bukan Eksekutif AOB dilantik untuk tempoh tiga tahun dan layak untuk dilantik semula selepas tamat tempohnya manakala ahli-ahli Bukan Eksekutif Lembaga dilantik untuk tempoh 2 tahun dan layak untuk lantikan semula.

Seseorang akan hilang kelayakan untuk memegang jawatan ahli Lembaga Pengarah AOB sekiranya beliau:

- Disabitkan atas suatu kesalahan di bawah undang-undang;
- Diisytiharkan mufliis
- Gagal menghadiri tiga mesyuarat Lembaga AOB berturut-turut tanpa kebenaran; atau
- Tidak mampu melaksanakan tugasnya.

SCMA menghendaki ahli Lembaga AOB untuk menguruskan konflik kepentingan dengan menzahirkan kepentingannya dalam apa-apa perkara yang dibincangkan oleh Lembaga AOB. Setelah penzahiran dibuat, beliau:

- Tidak boleh mengambil bahagian atau hadir dalam sebarang perbincangan atau keputusan Lembaga AOB atau jawatankuasanya; dan
- Tidak boleh diambil kira bagi maksud membentuk korum Lembaga AOB atau jawatankuasanya yang berkaitan.

Tanggungjawab Lembaga AOB

Lembaga AOB bertanggungjawab membantu SC dalam melaksanakan fungsinya di bawah SCMA.

Tanggungjawab Lembaga AOB termasuk:

- Melaksanakan dasar dan program bagi memastikan sistem pemantauan audit yang berkesan di Malaysia;
- Mendaftar atau mengiktiraf juruaudit PIE atau kumpulan wang jadual menurut SCMA;

- Mengarahkan MIA supaya menubuhkan atau menerima pakai, atau melalui kedua-duanya, piawaian pengauditan dan etika yang hendaklah dipakai oleh juruaudit;
- Menjalankan pemeriksaan dan program pemantauan ke atas juruaudit berdaftar untuk menilai tahap pematuan piawaian pengauditan dan etika;
- Menjalankan siasatan dan mengenakan sekatan yang sesuai terhadap juruaudit berdaftar yang tidak mematuhi piawaian pengauditan dan etika;
- Bekerjasama dengan pihak berkuasa yang berkaitan dalam merumuskan dan melaksanakan strategi bagi penambahbaikan tahap penzahiran kewangan PIE atau kumpulan wang jadual;
- Berhubung dan bekerjasama dengan badan pemantauan di luar Malaysia untuk menambah baik kedudukan profesion pengauditan di Malaysia dan di peringkat antarabangsa;
- Menjalankan pemeriksaan ke atas individu yang menyediakan laporan berhubung dengan maklumat kewangan PIE atau kumpulan wang jadual, berhubung dengan aktiviti pasaran modal, sebagaimana yang dikehendaki untuk disediakan di bawah undang-undang sekuriti atau garis panduan yang dikeluarkan oleh SC; dan
- Melaksanakan kewajipan atau fungsi lain yang perlu atau sesuai untuk menggalakkan piawaian profesional yang tinggi bagi juruaudit berdaftar dan untuk memperbaiki kualiti perkhidmatan audit yang diberikan oleh juruaudit berdaftar.

Mesyuarat Lembaga AOB

Sebanyak lapan mesyuarat Lembaga AOB diadakan pada tahun ini. Kuorum yang diperlukan adalah tiga orang ahli hadir.

Rekod kehadiran ahli Lembaga AOB dinyatakan dalam Jadual 1.

Jadual 1

Kehadiran di Mesyuarat Lembaga AOB

Ahli Lembaga AOB	Bilangan mesyuarat yang dihadiri
Dato' Gumuri Hussain (Pengerusi Bukan Eksekutif)	8/8
Alex Ooi Thiam Poh (Ketua Eksekutif)	8/8
Dato' Zahrah Abd Wahab Fenner	3/8
Eugene Wong Weng Soon	7/8
Wong Chong Wah	8/8
Dato' Darawati Hussain	8/8
Marzunisham Omar*	5/6
Hew Ee-Lu**	2/2

* Bersara pada 25 September 2018

** Dilantik pada 5 Oktober 2018

Jawatankuasa AOB


Jawatankuasa Pendaftaran telah ditubuhkan untuk membincangkan hal-hal yang berkaitan dengan pendaftaran atau pengiktirafan juruaudit oleh AOB. Sekiranya diperlukan, Jawatankuasa Pendaftaran akan membuat saranan kepada Lembaga AOB untuk pertimbangan dan keputusan selanjutnya.

Berikut adalah ahli-ahli Jawatankuasa Pendaftaran:

1. Dato' Gumuri Hussain
2. Dato' Zahrah Abd Wahab Fenner
3. Eugene Wong Weng Soon

Pengerusi AOB mempengerusikan mesyuarat Jawatankuasa dan semasa ketiadaannya, seorang anggota Lembaga AOB yang juga merupakan ahli Jawatankuasa boleh mempengerusikan mesyuarat tersebut.

STRUKTUR ORGANISASI



LEMBAGA PEMANTAUAN AUDIT

**PENYATA KEWANGAN BAGI TAHUN
BERAKHIR 31 DISEMBER 2018**

LEMBAGA PEMANTAUAN AUDIT

PENYATA KEDUDUKAN KEWANGAN PADA 31 DISEMBER 2018

	Nota	2018 RM	2017 RM
Aset			
Aset semasa			
Pelbagai penghutang	4	8,307	159,973
Pelaburan lain	5	730,024	190,333
Tunai dan bersamaan tunai	6	382,912	546,781
Jumlah aset		<u>1,121,243</u>	<u>897,087</u>
Rizab			
Dana daripada Suruhanjaya Sekuriti Malaysia (SC)	7.1	25,516,438	23,516,438
Defisit terkumpu	7.2	(24,444,195)	(22,641,351)
Jumlah rizab	7	<u>1,072,243</u>	<u>875,087</u>
Liabiliti semasa			
Pemiutang lain dan akruan	8	49,000	22,000
Jumlah liabiliti		<u>49,000</u>	<u>22,000</u>
Jumlah rizab dan liabiliti		<u>1,121,243</u>	<u>897,087</u>

Nota-nota di muka surat 38 hingga 51 merupakan sebahagian daripada penyata kewangan ini.



Syed Zaid Albar
Pengerusi
Suruhanjaya Sekuriti Malaysia



Alex Ooi Thiam Poh
Pegawai Eksekutif
Lembaga Pemantauan Audit

Tarikh: 30 Januari 2019

LEMBAGA PEMANTAUAN AUDIT

PENYATA UNTUNG ATAU RUGI DAN PENDAPATAN KOMPREHENSIF LAIN BAGI TAHUN BERAKHIR 31 DISEMBER 2018

	Nota	2018 RM	2017 RM
Yuran pendaftaran		3,130,200	1,865,000
Pendapatan kewangan daripada deposit tetap		52,476	31,233
Penalti		533,000	75,000
		3,715,676	1,971,233
Perbelanjaan operasi			
Perbelanjaan pentadbiran	9	(5,518,520)	(5,957,836)
Defisit sebelum cukai		(1,802,844)	(3,986,603)
Perbelanjaan cukai	10	-	-
Defisit bagi tahun/Jumlah perbelanjaan komprehensif bagi tahun		(1,802,844)	(3,986,603)

Nota-nota di muka surat 38 hingga 51 merupakan sebahagian daripada penyata kewangan ini.

LEMBAGA PEMANTAUAN AUDIT

PENYATA PERUBAHAN DALAM EKUITI BAGI TAHUN BERAKHIR 31 DISEMBER 2018

	Dana daripada Suruhanjaya Sekuriti Malaysia RM	Defisi terkumpul RM	Jumlah RM
Pada 1 Januari 2017	19,016,438	(18,654,748)	361,690
Dana daripada SC	4,500,000	-	4,500,000
Defisit dan jumlah perbelanjaan komp ehensif bagi tahun	-	(3,986,603)	(3,986,603)
Pada 31 Disember 2017/1 Januari 2018	23,516,438	(22,641,351)	875,087
Dana daripada SC	2,000,000	-	2,000,000
Defisit dan jumlah perbelanjaan komp ehensif bagi tahun	-	(1,802,844)	(1,802,844)
At 31 Disember 2018	25,516,438	(24,444,195)	1,072,243
	Nota 7	Nota 7	Nota 7

Nota-nota di muka surat 38 hingga 51 merupakan sebahagian daripada penyata kewangan ini.

LEMBAGA PEMANTAUAN AUDIT
PENYATA ALIRAN TUNAI BAGI TAHUN BERAKHIR
31 DISEMBER 2018

	Nota	2018 RM	2017 RM
Aliran tunai daripada aktiviti operasi			
Defisit sebelum cuka		(1,802,844)	(3,986,603)
<i>Pelarasan untuk:</i>			
Pendapatan kewangan		(52,476)	(31,233)
Defisit operasi sebelum perubahan dalam modal kerj		(1,855,320)	(4,017,836)
Perubahan dalam pelbagai penghutang		151,666	(69,339)
Perubahan dalam pelbagai pemiutang dan akruan		27,000	(4,200)
Tunai bersih digunakan daripada aktiviti operasi		(1,676,654)	(4,091,375)
Aliran tunai daripada aktiviti pelaburan			
Pendapatan kewangan		52,476	31,233
Peningkatan dalam pelaburan lain		(539,691)	(78,491)
Tunai bersih digunakan daripada aktiviti pelaburan		(487,215)	(47,258)
Aliran tunai daripada aktiviti kewangan			
Dana diterima daripada SC		2,000,000	4,500,000
Tunai bersih diperolehi daripada aktiviti kewangan		2,000,000	4,500,000
(Penurunan)/peningkatan bersih dalam tunai dan bersamaan tunai		(163,869)	361,367
Tunai dan bersamaan tunai pada 1 Januari		546,781	185,414
Tunai dan bersamaan tunai pada 31 Disember		382,912	546,781
Tunai dan setara tunai terdiri daripada:			
Tunai dan baki di bank	6	382,912	375,820
Deposit di bank berlesen	6	-	170,961
		382,912	546,781

Nota-nota di muka surat 38 hingga 51 merupakan sebahagian daripada penyata kewangan ini.

LEMBAGA PEMANTAUAN AUDIT NOTA-NOTA KEPADA PENYATA KEWANGAN

1. Umum

Pada 1 April 2010, Suruhanjaya Sekuriti Malaysia (SC) menubuhkan Lembaga Pemantauan Audit (AOB) di bawah seksyen 31C dalam *Akta Suruhanjaya Sekuriti Malaysia 1993* (SCMA). AOB ditubuhkan bagi tujuan yang dinyatakan dalam seksyen 31B dalam Akta, iaitu:

- a. Untuk menggalakkan dan membangunkan kerangka kerja pemantauan audit yang efektif dan teguh di Malaysia,
- b. Untuk meningkatkan keyakinan dalam kualiti dan keandalan penyata kewangan teraudit di Malaysia,
- c. Untuk mengawal selia juruaudit bagi entiti kepentingan awam, dan
- d. Untuk menjalankan pemantauan ke atas mana-mana orang yang menyediakan laporan berhubung dengan maklumat kewangan, yang dikehendaki untuk dikemukakan di bawah undang-undang sekuriti, garis panduan yang dikeluarkan oleh Suruhanjaya atau kaedah-kaedah bursa saham, oleh suatu:
 - (i) entiti berkepentingan awam atau kumpulan wang jadual;
 - (ii) entiti bukan berkepentingan awam yang memohon kelulusan untuk menjadi suatu syarikat awam tersenarai atau suatu perbadanan disenaraikan di bursa saham; atau
 - (iii) kumpulan wang tidak berjadual yang memohon kelulusan untuk menjadi suatu kumpulan wang jadual.

Untuk memudah cara tujuan yang dinyatakan di atas, sebuah dana, Dana AOB telah ditubuhkan di bawah seksyen 31H SCMA. Dana AOB ini ditadbir oleh SC. SC memberikan sokongan pentadbiran dan perakaunan kepada Dana AOB dan menyediakan akaun yang berasingan daripada akaun SC menurut seksyen 31L(5) SCMA. SC akan terus menyediakan sokongan kewangan kepada AOB untuk masa depan yang boleh dijangka.

2. Asas penyediaan

(a) Penyata pematuhan

Penyata kewangan AOB telah disediakan menurut Piawaian Pelaporan Kewangan Malaysia (MFRS), dan menurut Piawaian Pelaporan Kewangan Antarabangsa.

Berikut merupakan piawaian perakaunan, pindaan dan tafsiran rangka kerja yang telah diterbitkan oleh Lembaga Piawaian Perakaunan Malaysia (MASB) belum diguna pakai oleh AOB:

MFRS, tafsiran dan pindaan yang berkuat kuasa bagi tempoh tahunan bermula pada atau selepas 1 Januari 2019

- MFRS 16, *Pajakan*
- Tafsiran IC 23, *Ketidakpastian mengenai Rujukan Cukai Pendapatan*
- Pindaan ke atas MFRS 3, *Kombinasi Perniagaan (Penambahbaikan Tahunan kepada Piawaian MFRS Kitaran 2015-2017)*
- Pindaan ke atas MFRS 9, *Instrumen Kewangan – Ciri-ciri Prabayaran dengan Pampasan Negatif*

- Pindaan ke atas MFRS 11, *Pengaturan Bersama* (Penambahbaikan Tahunan kepada Piawaian MFRS Kitaran 2015-2017)
- Pindaan ke atas MFRS 112, *Cukai Pendapatan* (Penambahbaikan Tahunan kepada Piawaian MFRS Kitaran 2015-2017)
- Pindaan ke atas MFRS 119, *Manfaat Kakitangan – Pelan Pindaan, Pemotongan atau Penyelesaian*
- Pindaan ke atas MFRS 123, *Kos Peminjaman* (Penambahbaikan Tahunan kepada Piawaian MFRS Kitaran 2015-2017)
- Pindaan ke atas MFRS 128, *Pelaburan dalam Syarikat Bersekutu dan Usaha sama – Kepentingan Jangka Panjang dalam Syarikat Bersekutu dan Usaha sama*

MFRS, tafsiran dan pindaan yang berkuat kuasa bagi tempoh tahunan bermula pada atau selepas 1 Januari 2020

- Pindaan ke atas MFRS 3, *Kombinasi Perniagaan – Definisi Perniagaan*
- Pindaan ke atas MFRS 101, *Pembentangan Penyata Kewangan* dan MFRS 108, *Dasar Perakaunan, Perubahan dalam Anggaran Perakaunan dan Kesilapan – Definisi Material*

MFRS, tafsiran dan pindaan yang berkuat kuasa bagi tempoh tahunan bermula pada atau selepas 1 Januari 2021

- MFRS 17, *Kontrak Insurans*

MFRS, tafsiran dan pindaan yang berkuat kuasa bagi satu tarikh yang belum ditentukan

- Pindaan ke atas MFRS 10, *Penyata Kewangan Gabungan: Entiti Pelaburan* dan MFRS 128, *Pelaburan dalam Syarikat Bersekutu dan Usaha sama – Jualan atau Sumbangan Aset Antara Pelabur dan Syarikat Bersekutu atau Usaha sama*

AOB merancang mengguna pakai piawaian, pindaan dan interpretasi yang dinyatakan di atas yang terpakai dan berkuat kuasa dari tempoh tahunan masing masing bermula pada atau selepas 1 Januari 2019 dan 1 Januari 2020.

AOB tidak merancang untuk mengguna pakai MFRS 17, *Kontrak Insurans* yang berkuatkuasa bagi tempoh tahunan bermula pada atau selepas 1 Januari 2021 disebabkan ianya tidak berkenaan dengan AOB.

Impak permulaan piawaian, pindaan dan tafsiran lain dijangka tidak memberi sebarang kesan kewangan yang ketara ke atas penyata kewangan tempoh semasa dan sebelum AOB.

(b) Asas pengukuran

Penyata kewangan ini disediakan berdasarkan kos sejarah melainkan yang dinyatakan dalam Nota 3.

(c) Matawang fungsi dan pembentangan

Penyata kewangan ini disediakan dalam ringgit Malaysia (RM), di mana ia merupakan mata wang fungsian bagi AOB.

(d) Penggunaan anggaran dan pertimbangan

Penyediaan penyata kewangan menurut MFRS memerlukan pihak pengurusan membuat keputusan, anggaran dan andaian yang akan memberi kesan kepada polisi perakaunan dan jumlah yang dilaporkan bagi aset-aset, tanggungan, pendapatan dan perbelanjaan. Jumlah sebenar mungkin berbeza dengan jumlah anggaran.

Anggaran dan dasar andaian akan disemak dan dipinda dari semasa ke semasa. Perubahan ke atas anggaran perakaunan akan diambil kira di dalam tempoh di mana anggaran tersebut diubah dan tempoh yang berkaitan di masa hadapan.

Tidak terdapat sebarang anggaran ketidakpastian dan keputusan penting dalam pengamalan dasar-dasar perakaunan yang menyebabkan kesan yang ketara ke atas sebarang jumlah yang diambilkira di dalam penyata kewangan.

3. Dasar-dasar perakaunan utama

Dasar-dasar perakaunan berikut diamalkan secara konsisten pada semua tempoh yang dibentangkan di dalam penyata kewangan ini, dan diguna pakai secara konsisten oleh AOB, melainkan dinyatakan sebaliknya.

Berikutan daripada penggunaan MFRS 15, *Hasil daripada Kontrak Pelanggan* dan MFRS 9, *Instrumen Kewangan*, terdapat perubahan kepada dasar-dasar perakaunan:

- (i) instrumen kewangan;
- (ii) pengiktirafan pendapatan; dan
- (iii) kerugian rosot nilai instrumen kewangan

berbanding dengan yang diterima pakai dalam penyata kewangan terdahulu. Tiada kesan yang ketara daripada penggunaan MFRS 15. Impak daripada penggunaan MFRS 9 didedahkan dalam Nota 14.

(a) Instrumen kewangan

Kecuali dinyatakan secara khusus di bawah ini, AOB secara amnya menggunakan dasar-dasar perakaunan berikut secara retrospektif. Walau bagaimanapun, seperti yang dibenarkan dalam MFRS 9, *Instrumen Kewangan*, AOB telah memilih untuk tidak menyatakan semula perbandingan tersebut.

(i) Pengiktirafan dan pengukuran awal

Aset kewangan atau liabiliti kewangan diiktiraf dalam penyata kedudukan kewangan apabila, dan hanya apabila, AOB menjadi pihak kepada peruntukan kontrak instrumen tersebut.

Tahun kewangan semasa

Aset kewangan atau liabiliti kewangan pada awalnya diukur pada nilai saksama tambah atau tolak, untuk item yang tidak pada nilai saksama melalui keuntungan atau kerugian, kos transaksi yang berkaitan secara langsung dengan pengambilalihan atau terbitannya.

Instrumen kewangan diiktiraf secara berasingan daripada kontrak utama di dalam keadaan di mana instrumen kewangan tidak diiktiraf pada nilai saksamanya melalui untung atau rugi. Kontrak utama, sekiranya terbitan terbenam diiktiraf secara berasingan, diambil kira mengikut dasar yang terpakai kepada sifat kontrak utama.

Tahun kewangan sebelum

Instrumen kewangan, diiktiraf dalam penyata kewangan bila dan hanya bila AOB menjadi pihak yang terikat secara rasmi kepada peruntukan-peruntukan instrumen tersebut.

Instrumen kewangan diiktiraf pada permulaannya, pada nilai saksamanya tambah, di dalam keadaan di mana instrumen kewangan tidak diiktiraf pada nilai saksamanya melalui untung atau rugi, kos-kos transaksi yang boleh dianggap berkait langsung kepada pemerolehan atau terbitan instrumen kewangan tersebut.

(ii) Kategori instrumen kewangan dan pengukuran berikutnya

Aset kewangan

Tahun kewangan semasa

Kategori aset kewangan ditentukan berdasarkan pengiktirafan awal dan tidak dikelaskan semula selepas pengiktirafan awalnya melainkan AOB mengubah model perniagaannya untuk menguruskan aset kewangan yang mana semua aset kewangan yang terlibat diklasifikasikan semula pada hari pertama tempoh pelaporan pertama berikutan perubahan daripada model perniagaan.

Kos terlunas

Kategori kos terlunas terdiri daripada instrumen kewangan yang dipegang dalam model perniagaan di mana objektif adalah untuk memegang aset bagi mengumpul aliran tunai kontraktual dan terma kontraknya menimbulkan tarikh tertentu kepada aliran tunai yang semata-mata untuk pembayaran prinsipal dan faedah ke atas jumlah prinsipal yang belum dijelaskan. Aset kewangan tidak ditetapkan sebagai nilai saksama melalui keuntungan atau kerugian. Berikutan pengiktirafan awal, aset kewangan ini diukur pada kos pelunasan menggunakan kaedah faedah berkesan. Kos yang dilunaskan dikurangkan dengan kerugian kemerosotan nilai. Pendapatan faedah, keuntungan dan kerugian pertukaran asing diiktiraf dalam keuntungan atau kerugian. Sebarang keuntungan atau kerugian atas pembatalan pengiktirafan diiktiraf dalam untung atau rugi.

Pendapatan faedah diiktiraf dengan menggunakan kadar faedah berkesan kepada jumlah bawaan kasar kecuali bagi aset kewangan terjejas kredit (lihat Nota 3(c)) di mana kadar faedah berkesan digunakan untuk kos yang dilunaskan.

Tahun kewangan sebelum

Sebelum ini, AOB mengkategorikan instrumen kewangan mengikut MFRS 139, *Instrumen Kewangan: Pengiktirafan dan Pengukuran* seperti yang berikut:

Pinjaman dan penghutang

Aset-aset kewangan dikategorikan sebagai pinjaman dan penghutang adalah diukur berikutnya pada kos dilunaskan menggunakan kaedah faedah berkesan.

Semua aset kewangan tertakluk kepada semakan semula bagi elaun rosot nilai (lihat Nota 3(c)).

Liabiliti kewangan

Tahun kewangan semasa

Kategori liabiliti kewangan pada pengiktirafan awal adalah seperti berikut:

Kos terlunas

Liabiliti kewangan tidak dikategorikan pada nilai saksama melalui keuntungan atau kerugian adalah diukur pada kos terlunas menggunakan kaedah faedah berkesan.

Perbelanjaan faedah adalah diiktiraf dalam untung atau rugi. Keuntungan atau kerugian atas pembatalan pengiktirafan turut diiktiraf dalam untung atau rugi.

Tahun sebelum

Semua liabiliti kewangan adalah diukur pada nilai kos dilunaskan.

(iii) Pembatalan pengiktirafan

Aset kewangan atau sebahagiannya dibatalkan pengiktirafan bila, dan hanya bila, hak kontraktual kepada aliran tunai daripada aset kewangan tamat tempoh atau aset kewangan telah dipindahkan kepada pihak lain tanpa pengekalan kawalan atau sebahagian besar semua risiko dan manfaat aset tersebut. Pada ketika pembatalan pengiktirafan, perbezaan diantara nilai dibawa dan jumlah pembayaran yang diterima (termasuk sebarang aset baru yang diperolehi ditolak sebarang liabiliti baru berkait) dan sebarang untung atau rugi terhimpun yang telah diiktiraf dalam ekuiti, diiktiraf dalam untung atau rugi.

Liabiliti kewangan atau sebahagiannya dibatalkan pengiktirafan bila, dan hanya bila, tanggungjawab yang dikhususkan di dalam kontrak telah disempurnakan, dibatalkan atau tamat tempoh. Pada ketika pembatalan pengiktirafan, perbezaan diantara nilai dibawa liabiliti kewangan dipadamkan atau dipindahkan kepada pihak lain dan penjelasan dibayar, termasuk aset bukan tunai dipindah atau liabiliti berkait, diiktiraf dalam untung atau rugi.

(iv) Mengoffset

Aset kewangan dan liabiliti kewangan akan dioffset dan jumlah bersih dibentangkan di penyata kewangan kedudukan kewangan apabila, dan hanya apabila, AOB mempunyai hak yang boleh dikuatkuasakan secara sah untuk mengoffset jumlah tersebut, sama ada untuk menyelesaikannya secara bersih atau untuk merealisasikan aset dan liabiliti secara serentak

(b) Tunai dan setara tunai

Tunai dan bersamaan tunai terdiri daripada baki dan simpanan di bank yang mempunyai risiko rendah untuk berubah nilai dengan tempoh matang yang asal diantara 3 bulan atau kurang dan digunakan oleh AOB untuk menguruskan penglibatan jangka pendek. Bagi tujuan penyediaan penyata aliran tunai, tunai dan setara tunai dinyatakan selepas ditolak deposit terhad, jika ada.

(c) Rosot nilai

Aset kewangan

Melainkan dinyatakan secara khusus di bawah, AOB secara amnya menggunakan dasar-dasar perakaunan berikut secara retrospektif. Walau bagaimanapun, seperti yang dibenarkan oleh MFRS 9, *Instrumen Kewangan*, AOB memilih untuk tidak menyatakan semula perbandingan tersebut.

Tahun kewangan semasa

AOB mengiktiraf elaun kerugian yang dijangka kerugian kredit ke atas aset kewangan yang diukur pada kos yang dilunaskan. Kerugian kredit yang dijangkakan adalah anggaran wajar kerugian kredit.

AOB mengukur elaun kerugian pada jumlah yang sama dengan jangkaan kerugian kredit sepanjang hayat, kecuali tunai dan kesamaan tunai yang mana risiko kredit tidak meningkat dengan ketara sejak pengiktirafan awal, yang mana diukur pada jangkaan kerugian kredit selama 12 bulan.

Apabila menentukan sama ada risiko kredit aset kewangan meningkat dengan ketara sejak pengiktirafan awal dan apabila menganggarkan kerugian kredit yang dijangkakan, AOB menimbangkan maklumat yang munasabah dan boleh dipercayai yang relevan dan tersedia tanpa kos atau usaha yang tidak wajar. Ini termasuk maklumat dan analisis kuantitatif dan kualitatif, berdasarkan pengalaman sejarah AOB dan penilaian kredit yang dimaklumkan dan termasuk maklumat berpandangan ke hadapan, jika ada.

Kerugian kredit yang dijangkakan sepanjang hayat adalah kerugian kredit yang dijangkakan yang disebabkan oleh semua kemungkinan peristiwa ingkar sepanjang jangkaan hayat aset tersebut, manakala kerugian kredit dijangka selama 12 bulan adalah sebahagian daripada kerugian kredit yang dijangkakan yang terhasil daripada peristiwa lalai yang mungkin dalam tempoh 12 bulan selepas tarikh pelaporan. Tempoh maksimum yang dipertimbangkan apabila menganggarkan kerugian kredit yang dijangkakan adalah tempoh kontrak maksimum yang mana AOB terdedah kepada risiko kredit.

Kerugian rosot nilai berkaitan dengan aset kewangan yang diukur pada kos pelunasan diiktiraf dalam untung atau rugi dan amaun dibawa aset dikurangkan melalui penggunaan akaun peruntukan.

Pada setiap tarikh pelaporan, AOB menilai sama ada aset kewangan yang dibawa pada kos yang dilunaskan adalah kredit terjejas. Aset kewangan adalah kredit terjejas apabila satu atau lebih peristiwa yang mempunyai kesan buruk terhadap anggaran aliran tunai masa depan aset kewangan telah berlaku.

Jumlah bawaan kasar aset kewangan dihapus kira (sama ada sebahagian atau penuh) setakat bahawa tiada prospek pemulihan realistik. Ini biasanya berlaku apabila AOB menentukan bahawa penghutang tidak mempunyai aset atau sumber pendapatan yang boleh menghasilkan aliran tunai yang mencukupi untuk membayar balik jumlah yang tertakluk kepada penolakan itu. Walau bagaimanapun, aset kewangan yang dihapuskan masih boleh tertakluk kepada aktiviti penguatkuasaan untuk mematuhi prosedur AOB untuk pemulihan jumlah yang perlu dibayar.

Tahun kewangan sebelum

Kesemua aset kewangan adalah dinilai pada setiap tarikh pelaporan sama ada wujud sebarang bukti objektif rosot nilai akibat daripada berlakunya satu atau lebih kejadian kewangan yang memberi kesan kepada anggaran nilai masa depan aliran tunainya. Kerugian yang dijangkakan daripada kejadian masa depan, tidak kira semana boleh, tidak diiktiraf.

Kerugian rosot nilai berkait dengan pinjaman dan belum terima diiktiraf dalam untung atau rugi dan diukur sebagai perbezaan diantara nilai dibawa aset dengan nilai kini anggaran nilai masa depan aliran tunai yang didiskaunkan pada kadar faedah berkesan asal aset tersebut. Nilai dibawa aset dikurangkan dengan menggunakan sebuah akaun elaun.

Jika dalam tempoh kewangan berikutnya, nilai saksama aset kewangan meningkat dan peningkatan ini boleh dikaitkan secara objektif dengan peristiwa kewangan yang berlaku setelah kerugian rosot nilai diiktiraf dalam untung atau rugi, maka kerugian rosot nilai ini dibalikkan, pada suatu peringkat nilai aset dibawa tidak melebihi apa yang nilai dibawa akan rosot nilai yang tidak diiktiraf pada tarikh rosot nilai ini dibalikkan. Nilai pembalikan ini diiktiraf sebagai untung atau rugi.

(d) Pendapatan

(i) Yuran pendaftaran

Yuran pendaftaran daripada juruaudit bagi entiti kepentingan awam dikira dalam untung atau rugi apabila hak untuk menerima pembayaran ditubuhkan.

(ii) Pendapatan kewangan

Pendapatan kewangan diiktiraf apabila terakru dengan menggunakan kaedah faedah berkesan dalam untung atau rugi.

(e) Manfaat kakitangan

(i) Manfaat kakitangan jangka pendek

Obligasi manfaat kakitangan jangka pendek berhubung dengan gaji, bonus tahunan, cuti tahunan berbayar diukur secara tidak terdiskaun dan dikira sebagai perbelanjaan bagi perkhidmatan berkaitan yang diberikan.

Liabiliti dikira bagi amaun yang jangka akan dibayar jika AOB mempunyai obligasi undang-undang atau konstruktif untuk membayar amaun ini disebabkan oleh perkhidmatan lampau yang diberikan oleh kakitangan dan obligasi tersebut dapat dianggar dengan andal.

(ii) Pelan caruman

Caruman AOB ke dalam dana persaraan berkanun dicajkan ke dalam keuntungan atau kerugian dalam tahun kewangan yang berkaitan dengannya. Caruman prabayar dikira sebagai aset setakat pembayaran balik tunai atau pengurangan dalam pembayaran masa akan datang, jika ada.

(f) Ukuran nilai saksama

Nilai saksama bagi aset atau liabiliti ditentukan sebagai harga yang akan diterima untuk menjual aset atau dibayar untuk memindahkan liabiliti dalam urus niaga yang teratur antara peserta pasaran pada tarikh pengukuran. Pengukuran ini menganggap bahawa urus niaga untuk menjual aset itu atau memindahkan liabiliti berlaku sama ada di pasaran utama atau dalam ketiadaan pasaran utama, dalam pasaran yang paling menguntungkan.

Bagi aset bukan kewangan, ukuran nilai saksama mengambil kira keupayaan peserta pasaran untuk menjana manfaat ekonomi dengan menggunakan aset tersebut dalam penggunaan sebaik dan sepenuhnya atau dengan menjualnya kepada kumpulan peserta pasaran lain yang akan menggunakan aset tersebut dalam penggunaan sebaik dan sepenuhnya.

4. Pelbagai penghutang

	2018 RM	2017 RM
Deposit	-	82,714
Prabayaran	-	75,632
Faedah boleh terima	8,307	1,627
	8,307	159,973

5. Pelaburan lain

Pelaburan lain adalah berkaitan dengan deposit yang diletakkan dengan bank berlesen dengan kematangan asal 6 bulan atau lebih. Deposit yang ditempatkan di dalam bank berlesen memperoleh pendapatan pada kadar antara 3.05% hingga 3.30% setahun (2017: 1.75% hingga 3.05% setahun).

Deposit daripada penalti adalah terhad untuk digunakan bagi perancangan dan pelaksanaan program bina upaya berhubung dengan profesion perakaunan dan pengauditan.

6. Tunai dan setara tunai

	2018 RM	2017 RM
Tunai dan baki di bank	382,912	375,820
Depositi di bank berlesen	-	170,961
	<u>382,912</u>	<u>546,781</u>

Pada tahun 2017, deposit yang ditempatkan di dalam bank berlesen memperoleh pendapatan pada kadar antara 1.75% hingga 3.05% setahun.

7. Jumlah dana

	Nota	2018 RM	2017 RM
Dana daripada SC	7.1	25,516,438	23,516,438
Defisit terkumpul	7.2	(24,444,195)	(22,641,351)
Jumlah dana		<u>1,072,243</u>	<u>875,087</u>

7.1 Dana daripada SC

	2018 RM	2017 RM
Sumbangan:		
Pada awal tahun	23,516,438	19,016,438
Tambahan bagi tahun	2,000,000	4,500,000
Pada akhir tahun	<u>25,516,438</u>	<u>23,516,438</u>

7.2 Defisit terkumpul

	2018 RM	2017 RM
Pada awal tahun	(22,641,351)	(18,654,748)
Kerugian bagi tahun	(1,802,844)	(3,986,603)
Pada akhir tahun	<u>(24,444,195)</u>	<u>(22,641,351)</u>

8. Pelbagai pemiutang dan akruan

	2018 RM	2017 RM
Akruan	49,000	22,000

9. Perbelanjaan pentadbiran

	2018 RM	2017 RM
Perbelanjaan pentadbiran terdiri daripada:		
Ganjaran juruaudit	20,000	20,500
Bayaran honorarium	71,012	98,974
Elaun ahli bukan eksekutif	278,300	142,100
Pelbagai caj lain	398,419	229,455
Sewa premis	18,363	341,110
Kos kakitangan	4,732,426	5,125,697
	5,518,520	5,957,836

10. Perbelanjaan cukai

SC telah diberikan kelulusan oleh Menteri Kewangan agar dikecualikan daripada cukai berkuat kuasa dari Tahun Taksiran 2007. Dengan ini, AOB turut dikecualikan daripada cukai.

11. Instrumen kewangan

11.1 Kategori instrumen kewangan

Jadual di bawah memberikan analisis instrumen kewangan pada 31 Disember 2018 yang dikategorikan pada kos terlunas (AC).

	Amaun bawaan RM	AC RM
2018		
Aset kewangan		
Pelbagai penghutang*	8,307	8,307
Pelaburan lain	730,024	730,024
Tunai dan setara tunai	382,912	382,912
	1,121,243	1,121,243
Liabiliti kewangan		
Pelbagai pemiutang dan akruan	(49,000)	(49,000)

Jadual di bawah memberikan analisis instrumen kewangan pada 31 Disember 2017 yang dikategorikan seperti yang berikut:

- (a) Pinjaman dan penghutang (L&R); dan
- (b) Liabiliti kewangan lain diukur pada kos terlunas (FL).

	Amaun bawaan RM	L&R /FL RM
2017		
Aset kewangan		
Pelbagai penghutang*	84,341	84,341
Pelaburan lain	190,333	190,333
Tunai dan setara tunai	546,781	546,781
	821,455	821,455
Liabiliti kewangan		
Pelbagai pemiutang dan akruan	(22,000)	(22,000)

* Tidak termasuk aset bukan kewangan

11.2 Untung bersih diperoleh daripada instrumen kewangan

	2018 RM	2017 RM
Untung bersih daripada:		
Aset kewangan pada kos terlunas	52,476	-
Pinjaman dan penghutang	-	31,233
	52,476	31,233

11.3 Objektif dan dasar pengurusan risiko kewangan

AOB terdedah terutamanya kepada risiko kewangan kecairan sepanjang tempoh operasi normalnya. Oleh sebab AOB ditadbir oleh SC, AOB adalah tertakluk kepada dasar pengurusan risiko kewangan SC.

11.4 Risiko kecairan

Risiko kecairan merujuk kepada risiko AOB tidak berupaya mematuhi tanggungjawab kewangannya bila sampai tempoh masanya.

AOB, melalui SC, memantau dan mengekalkan tahap tunai dan setara tunai yang dianggap mencukupi untuk membiayai operasi AOB dan menerima sokongan kewangan daripada SC untuk memastikan, sejauh mungkin, bahawa ia akan mempunyai kecairan yang mencukupi untuk memenuhi liabilitinya apabila ia memenuhi tempoh.

Analisis kematangan

Jadual di bawah meringkaskan profil kematangan liabiliti kewangan AOB pada akhir tempoh pelaporan berdasarkan pembayaran kontrak tidak didiskontak.

	Amaun bawaan RM	Aliran tunai berkontrak RM	Bawah 1 tahun RM
2018			
Liabiliti kewangan			
Pelbagai pemiutang dan akruan	49,000	49,000	49,000
2017			
Liabiliti kewangan			
Pelbagai pemiutang dan akruan	22,000	22,000	22,000

11.5 Risiko pasaran

Risiko pasaran merujuk kepada risiko perubahan dalam harga pasaran yang akan memberi kesan kepada kedudukan kewangan AOB atau aliran tunainya.

11.5.1 Risiko kadar faedah

Profil kadar faedah instrumen kewangan yang menanggung faedah ketara AOB, be dasarkan amaun bawaan pada penghujung tempoh pelaporan adalah:

	2018 RM	2017 RM
Instrumen kadar tetap		
Aset kewangan	730,024	361,294

Analisis sensitiviti risiko kadar faedah

Analisis sensitiviti nilai saksama bagi instrumen kadar tetap

AOB tidak mengambil kira apa-apa aset kewangan kadar tetap pada nilai saksama melalui untung atau rugi, dan AOB tidak menetapkan derivatif sebagai instrumen lindung nilai di bawah model perakaunan lindung nilai saksama. Oleh itu, perubahan dalam kadar faedah pada penghujung tempoh pelaporan tidak akan menjejaskan untung atau rugi.

11.6 Nilai saksama

Nilai tunai dan bersamaan tunai, pelbagai penghutang, pelbagai pemiutang dan akruan muna-sabah nilai saksama oleh sifat jangka pendek yang dimiliki oleh instrumen kewangan.

12. Pengurusan dana

Objektif AOB adalah untuk mengekalkan rizab yang cukup untuk memelihara keupayaan AOB bagi melaksanakan kewajipan dan fungsinya dengan bebas. Rizab ini diuruskan oleh SC.

13. Pemberian kebenaran penyata kewangan

Penyata kewangan bagi tahun berakhir 31 Disember 2018 ini diberikan kebenaran oleh SC untuk dikeluarkan dan ditandatangani oleh Pengerusi SC dan Pegawai Eksekutif AOB pada 30 Januari 2019.

14. Perubahan ketara dalam dasar-dasar perakaunan

Pada tahun ini, AOB telah menerima pakai MFRS 15, *Hasil daripada Kontrak dengan Pelanggan* dan MFRS 9, *Instrumen Kewangan* dalam penyata kewangan. Secara amnya, AOB mengaplikasi keperluan piawaian perakaunan secara retrospektif dengan bahan-bahan praktikal dan pengecualian peralihan sebagaimana yang dibenarkan oleh piawaian. Walau bagaimanapun, seperti yang dibenarkan dalam MFRS 9, AOB memilih tidak menyatakan semula perbezaannya. Tiada kesan ketara daripada penggunaan MFRS 15.

14.1 Perakaunan untuk instrumen kewangan

a. Peralihan

Dalam penggunaan MFRS 9, pengecualian peralihan berikut yang dibenarkan oleh piawaian telah diterima pakai:

- (i) AOB tidak menyatakan semula maklumat perbandingan untuk tempoh terdahulu berkenaan dengan keperluan klasifikasi dan pengukuran. Sehubungan itu, maklumat yang dibentangkan untuk tahun 2017 tidak secara amnya mencerminkan keperluan MFRS 9, tetapi sebaliknya dari MFRS 139, *Instrumen Kewangan: Pengiktirafan dan Pengukuran*.
- (ii) Penilaian berikut telah dibuat berdasarkan fakta dan keadaan yang wujud pada tarikh permohonan awal:
 - penentuan model perniagaan di mana aset kewangan dipegang
- (iii) Peruntukan kerugian bagi penghutang diiktiraf pada jumlah yang sama dengan kerugian kredit yang dijangkakan sepanjang hayat sehingga penghutang tidak diiktiraf.

b. Klasifikasi aset kewangan dan liabiliti kewangan pada tarikh aplikasi awal MFRS

Jadual berikut menunjukkan kategori pengukuran di bawah MFRS 139 dan kategori pengukuran baru di bawah MFRS 9 bagi setiap kelas aset kewangan dan liabiliti kewangan AOB pada 1 Januari 2018:

Kategori di bawah MFRS 139	31 Disember 2017 RM	1 Januari 2018 Pengkelasan semula kepada kategori MFRS 9 AC RM
Aset kewangan		
Pinjaman dan penghutang		
Penghutang lain	84,341	84,341
Pelaburan lain	190,333	190,333
Tunai dan kesetaraan tunai	546,781	546,781
	821,455	821,455
Liabiliti kewangan		
Liabiliti kewangan lain		
diukur pada kos terlunas		
Pemiutang lain dan akruan	(22,000)	(22,000)

Pengkelasan semula daripada pinjaman dan penghutang kepada kos pelunasan

Penghutang lain, pelaburan lain, tunai dan kesetaraan tunai yang dikelaskan sebagai pinjaman dan penghutang di bawah MFRS 139 kini diklasifikasi semula pada kos pelunasan

Saya, **Vignaswaran A/L Kandiah**, pegawai utama yang bertanggungjawab di atas pengurusan kewangan dan rekod perakaunan Lembaga Pemantauan Audit, dengan ikhlas berikrar bahawa penyata kewangan yang dibentangkan pada muka surat 33 hingga 51 adalah, sebaik-baik pengetahuan dan kepercayaan saya, betul dan saya membuat ikrar ini dengan penuh kepercayaan bahawa ianya itu benar, dan menurut peruntukan-peruntukan *Akta Perakuan Berkanun, 1960*.

Ditandatangani dan diikrarkan oleh yang ternama di atas **Vignaswaran A/L Kandiah**, No. K.P 561128-10-6171, di Kuala Lumpur dalam negeri Wilayah Persekutuan Kuala Lumpur pada 30 Januari 2019.



Vignaswaran A/L Kandiah
Pegawai

Di hadapan saya:



Unit 50-10-1, Tingkat 10
Wisma UOA Damansara
No. 50, Jalan Dungun
Bukit Damansara
50000 Kuala Lumpur.
Tel. +603-2081 3770

LAPORAN JURUAUDIT BEBAS KEPADA LEMBAGA PEMANTAUAN AUDIT, SURUHANJAYA SEKURITI MALAYSIA

Laporan mengenai Audit Penyata Kewangan

Pendapat

Kami telah mengaudit penyata kewangan Lembaga Pemantauan Audit (AOB), yang merangkumi penyata kedudukan kewangan pada 31 Disember 2018, dan penyata keuntungan atau kerugian dan pendapatan komprehensif lain, penyata perubahan dalam ekuiti dan penyata aliran tunai bagi tahun berakhir pada tarikh tersebut, dan nota-nota kepada penyata kewangan, termasuk ringkasan dasar perakaunan yang penting, seperti yang dibentangkan pada muka surat 33 hingga 51.

Pada pendapat kami, penyata kewangan yang disertakan memberi pandangan yang benar dan saksama mengenai kedudukan kewangan AOB pada 31 Disember 2018, dan prestasi kewangan dan aliran tunai bagi tahun berakhir pada tarikh tersebut menurut Piawaian Pelaporan Kewangan Malaysia dan Piawaian Laporan Kewangan Antarabangsa.

Asas Pendapat

Kami telah menjalankan audit mengikut piawaian pengauditan yang diluluskan di Malaysia dan Piawaian Pengauditan Antarabangsa. Tanggungjawab kami di bawah piawaian tersebut dihuraikan dengan lanjut dalam bahagian Tanggungjawab Juruaudit terhadap Audit Penyata Kewangan di dalam laporan kami. Kami percaya bahawa bukti audit yang telah kami perolehi adalah mencukupi dan wajar untuk dijadikan asas bagi pendapat kami.

Kebebasan dan Tanggungjawab Etika lain

Kami adalah bebas daripada AOB menurut Undang-undang Kecil (*Mengenai Etika, Kelakuan dan Amalan Profesional*) Institut Akauntan Malaysia (Undang-Undang Kecil), dan *Kod Etika bagi Akauntan Profesional* (Kod IESBA) Lembaga Piawaian Etika Antarabangsa untuk Akauntan, dan kami telah memenuhi tanggungjawab etika lain mengikut Undang-Undang Kecil dan Kod IESBA.

Tanggungjawab Ahli-ahli Lembaga bagi Suruhanjaya Sekuriti Malaysia terhadap Penyata Kewangan

Ahli-ahli Lembaga bagi Suruhanjaya Sekuriti Malaysia (SC) bertanggungjawab terhadap penyediaan penyata kewangan AOB yang memberikan pandangan yang benar dan saksama menurut Piawaian Pelaporan Kewangan Malaysia dan Piawaian Pelaporan Kewangan Antarabangsa. Ahli-ahli Lembaga juga bertanggungjawab terhadap kawalan dalaman sebagaimana yang ditetapkan sebagai perlu oleh Ahli-ahli Lembaga bagi membolehkan penyediaan penyata kewangan AOB yang bebas daripada salah nyata yang ketara, sama ada disebabkan oleh penipuan atau kesilapan.

Dalam menyediakan penyata kewangan AOB, Ahli-ahli Lembaga bagi SC adalah bertanggungjawab untuk menilai kesinambungan keupayaan AOB sebagai suatu usaha berterusan, mendedahkan sekiranya berkenaan, perkara-perkara yang berkaitan dengan usaha berterusan dan menggunakan asas usaha berterusan perakaunan kecuali sekiranya Ahli-ahli Lembaga bagi SC berhasrat untuk membubarkan AOB atau menghentikan operasi, atau tidak mempunyai pilihan realistik kecuali berbuat demikian.

Tanggungjawab Juruaudit terhadap Audit Penyata Kewangan

Objektif kami adalah untuk memperolehi jaminan munasabah sama ada penyata kewangan AOB secara keseluruhannya adalah bebas daripada salah nyata yang ketara, sama ada disebabkan oleh penipuan atau kesilapan, dan mengeluarkan laporan juruaudit yang merangkumi pendapat kami. Jaminan munasabah merupakan tahap jaminan yang tinggi, tetapi bukan satu jaminan bahawa audit dijalankan mengikut piawaian pengauditan yang diluluskan di Malaysia dan Piawaian Pengauditan Antarabangsa akan sentiasa mengesan salah nyata yang ketara apabila ia wujud. Salah nyata boleh timbul daripada penipuan atau kesilapan dan dianggap ketara sekiranya, secara individu atau agregat, dijangkakan dengan munasabah akan mempengaruhi keputusan ekonomi yang dibuat oleh pengguna berdasarkan penyata kewangan ini.

Sebagai sebahagian daripada pengauditan menurut piawaian pengauditan yang diluluskan di Malaysia dan Piawaian Pengauditan Antarabangsa, kami menggunakan pertimbangan profesional dan mengekalkan skeptisisme profesional sepanjang audit tersebut. Kami juga:

- Mengetahui dan menilai risiko salah nyata yang ketara dalam penyata kewangan AOB, sama ada disebabkan oleh penipuan atau kesilapan, merangka dan melaksanakan prosedur audit yang responsif terhadap risiko berkenaan, dan memperoleh bukti audit yang mencukupi dan wajar untuk menyediakan asas bagi pendapat kami. Risiko tidak mengesan salah nyata yang ketara akibat daripada penipuan adalah lebih tinggi daripada risiko yang terhasil daripada kesilapan, kerana penipuan mungkin melibatkan pakatan sulit, pemalsuan, pengenehan secara sengaja, gambaran yang salah, atau ketidakpatuhan terhadap kawalan dalaman.
- Mendapatkan kefahaman terhadap kawalan dalaman yang berkaitan dengan audit untuk merangka prosedur audit yang wajar mengikut keadaan, tetapi bukan bertujuan untuk menyatakan pendapat mengenai keberkesanan kawalan dalaman AOB.
- Menilai kesesuaian dasar perakaunan yang diguna pakai dan kemunasabahan anggaran perakaunan dan pendedahan berkaitan yang dibuat oleh Ahli-ahli Lembaga bagi SC.
- Membuat kesimpulan mengenai kesesuaian asas perakaunan usaha berterusan yang digunapakai oleh Ahli-ahli Lembaga bagi SC dan, berdasarkan bukti audit yang diperolehi, sama ada wujud ketidakpastian ketara yang berkaitan dengan peristiwa atau keadaan yang boleh menimbulkan keraguan ketara ke atas keupayaan AOB untuk terus beroperasi sebagai suatu usaha berterusan. Jika kami membuat kesimpulan bahawa ketidakpastian ketara wujud, kami dikehendaki untuk mengengahkan pendedahan yang berkaitan dalam penyata kewangan AOB di dalam laporan juruaudit, atau, jika pendedahan tersebut tidak mencukupi, untuk membuat perubahan terhadap pendapat kami. Kesimpulan kami adalah berdasarkan kepada bukti audit yang diperolehi sehingga tarikh laporan juruaudit kami. Walau bagaimanapun, peristiwa atau keadaan masa hadapan boleh menyebabkan tamatnya kesinambungan AOB sebagai suatu usaha berterusan.
- Menilai pembentangan keseluruhan, struktur dan kandungan penyata kewangan AOB, termasuk pendedahan, dan sama ada penyata kewangan mewakili transaksi-transaksi dan peristiwa sebenar dengan cara yang membolehkan penyata kewangan tersebut memberi suatu pandangan yang benar dan saksama.

Kami berkomunikasi dengan Ahli-ahli Lembaga bagi SC, antara lain, mengenai skop yang dirancang dan tempoh pengauditan dan pemerhatian audit yang ketara, termasuk apa-apa kelemahan yang ketara dalam kawalan dalaman yang kami kenal pasti ketika audit kami.

Hal-hal lain

Laporan ini disediakan hanya untuk Suruhanjaya Sekuriti Malaysia, sebagai satu badan, dan bukan untuk sebarang tujuan yang lain. Kami tidak bertanggungjawab kepada pihak lain berhubung dengan kandungan laporan ini.



KPMG PLT
(LLP0010081-LCA & AF 0758)
Akauntan Bertauliah



Loh Kam Hian
Nombor Kelulusan: 02941/09/2020 J
Akauntan Bertauliah

Petaling Jaya, Selangor
Tarikh: 30 Januari 2019